

Gou Hag Rox Bwz Byoem Lo

贵港市覃塘区蒙公镇高占小学三年级 Yiz Veizyungz/庾维融

Gou miz song daeggo, daxmeh ceiq gyaез gou, moix ngoenz cungj bang gou cang ndang ndaej lengjsusu bae. Ndaw ranz, gou miz vunj moq gak saek gak yiengh, haiz moq baenz baiz baenz baiz, git byoemgyaeuj baenz gyang do. Daxmeh doengx-ngoenz bang gou bwz song diuz saibienx, daiq song duj git mbungqmbaj, couh lumj duzmbaj ityiengh mbin bae mbin dauq, geijlai sim'angq ha!


Gou dwg dahgunhcuj ndaw ranz, ngoenznaengz buh daеuj iet fwngz, ngaiz daеuj aj bak, miz gij ndeigwn seiz song boux daeggo cungj sien hawj gou gwn. Gou ndaej 9 bi lo, lienz byoemgyaeuj lij mbouj rox roi, gyoengq doengzhag riu gou, gou cix mbouj dawz haеuj rwz.

Youq ngoenz singhgizroek ndeu, daxmeh haetcaеux bae bang vunz raemj oij, gou hwnj congз baeз ciuq

aen gingq, a, byoemgyaeuj nyungq-nyatnyat, geijlai yakyawj ha. Daxmeh mbouj youq ranz, gou baenzlawz okdou bae guhcaemz ya? Gou sim siengj: Gou gag hag bwz byoem ba. Siengj dwk, gou couh gaem fag roi daеuj, youh ra di git caeuq di gaugu daеuj, hag gij yiengh daxmeh, sien dawz byoemgyaeuj roi doeng, caiq bwz song diuz saibienx, gou fwngz gaem fag roi, gwnz bak gag nam: "Bwz gij saibienx miz gijmaz nanz ne!" Hoeng gou bwz bae baenz buenq ngoenz, gen fwngz cungj naet lo, cij bwz ndei song diuz saibienx. Gou sijsaeq ciuq aen gingq yawj, mbwn ha, bouxvunz ndaw gingq couh lumj boux yahboemx iq ityiengh, yakyawj raixcaix. Saibienx mbiengj hung mbiengj iq, caemhcaiq miz geij nyaep byoem lij mbouj bwz haеujbae, gou miz di doeknaiq lo. Hoeng youh siengj daengz daxmeh ngoenzngoenz bae guhhong lij hawj

gou roi gyaеuj, daiq sinhoj lo. Gou maj hung lo, gij saeh swhgeij wnggai swhgeij guh, siengj dwk, gou youh miz saenqsim lo. Baezneix gou sijsaeq roi, mboujduenh dauqngеix gij yiengh daxmeh roi gyaеuj. Bwz ndei lo, youh bae ciuq gingq seiz, ndaw gingq song diuz saibienx yawj hwnjbae ca mbouj geijlai ityiengh hung, byoem hix cungj bwz haеujbae lo, hoeng henz dujrwz youh roi mbouj bingz. Gou youh nyinhcaen caiq roi baez ndeu. Daihsam baez yienznaeuz yungh seizgan engq lai, hoeng bwz ndaej song diuz saibienx cungjsuenq yawj ndaej gvaq da lo.

Gou geb song fag git mbuengq-mbaj hwnjbae, doiq dahsau ndaw gingq angq dwk diuqfoux hwnjdaеuj, song diuz saibienx hwnjhwnj roengz-roengz, lumjbaenz hix gaen dwk diuqfoux ne! Gou caen sim'angq ha! "Gou hag rox bwz byoemgyaeuj lo."



Gou dauqcawq buet, hai sing hung hemq.

(lauxsae son'gyauq Cinz Cinhdonz/覃珍团)

Geiq Saeh Ciengx Baenz Duz Saehaexma

Geij ngoenz gonq, gou caeuq daxgoeng daxbuz doengzcaez bae gunghyenz gaeb saehaexma. Gou gaeb ndaej duz saehaexma haenx dwg byuk saekcoeng ndawde youh daiq di saekhau, yiengh lumj duzsaе, lumj aen ranz iq nei. Gwnzgyaeuj duz saehaexma miz doiq "denhsen(gaeu)" iq saeq ndeu, neix couh dwg mumhgok de, gij "cawndaem" gwnz mumhgok couh dwg lwgda, ndaemndindi, luenlulu. Duz saehaexma suk ndang haеuj ndaw byuk bae seiz, gou roxnyinh de lumj aen sae ndeu.

Dingqnyi naеuz duz saehaexma youq gwnz biengz gyoengq doenghduz ndawde dwg duz miz heuj ceiq lai haenx, saehaexma gungh miz song fanh haj cien roek bak swnj heuj. Gij heuj de maj youq gwnz linx, ndigah heuh de guh heujlinx.

Gou aеu mbawbyaek singsien ndeu, coq youq henz duz saehaexma, yawjyawj de guhlawz gwn. Duz saehaexma raen mbawbyaek le, couh heij gwn lo. Duz saehaexma aеu mumhgok de red le red mbawbyaek, couh amq hunghung nei gwn hwnjdaеuj lo. Cij gvaq yaek ndeu, duз saehaexma couh youq gwnz mbawbyaek gwn baenz aen cong h ndeu daеuj.

Moix ngoenz gou ndaejhoengq couh bae yawj-yawj duz saehaexma gou ciengx neix. Hoeng, ngoenzneix gou bae cazyawj seiz, raen duз saehaexma loq doengh loq mbouj doengh nei suk youq ndaw byuk. Yienghneix, gou coq di raemx haеuj ndaw hab gou ciengx duз saehaexma neix bae, gvaq yaep ndeu, duз saehaexma cungjsuenq ndiu lo.

Gou lij raen, duз saehaexma moix baeз bin gvaq gizlawz gizde cungj ce miz diuz riz hau ndeu. Seizneix, gou raen duз saehaexma cingq youq henz bingz bin doxhwnj, duз saehaexma mbouj miz din vihmaz de rox byaij ne? Yienghneix, gou bae cam Duniengz. Yienzlaiz duз saehaexma aiquaeuz mbouj miz doenghduz wnq cungj din iet gungj cwxcaih haenx, hoeng youq najdunx maj miz cungj dinnoh rox doengh ndeu, heuhguh dindunx.

Duz saehaexma dwg cungj doenghduz miz yinxdaeuz ndeu, gyoengqde mboujdan hawj gou daiq daеuj haujlai yinxdaeuz, caemhcaiq hawj gou rox le haujlai cihsiz.

(Vangz Vanghyangz raiz Veiz Yinyiz hoiz)

Dingj Guh Baenaj Couh Ndaej Baenz

—Geiq saeh bwh hong doxdax dungxcaiz Vahcuengh Biucini

□ Cinz Lisinh/覃丽新



(ciep geizgonq)

Lienh sam seiq ngoenz liuxle, boux gaenx hag gaenx doeg rox ndaej gig vaiq, boux siengj hag youh mbouj siengj doeg haenx couh "w w a a" doeg mbouj ndaej baenz yaem. Yaek son dungcoз seiz youh yom bae song boux hagseng. Sam haj ngoenz dingj hag roengzbae, mbaгj boux rox doeg hix rox geiq ndaej sawloih lo. Neix couh ndaej son gij dungcoз hwnjbae lo. Dou caeuq hagseng baizlienx itmienh geiq sawloih itmienh hag dungcoз. Nanzdoh yied daеuj yied hung lo, neix dwg gaujniemh gij ceiqheiq gyoengq hagseng lo. Miz vah gangjnaeuz: Siengj guh ndei gvaq vunz, aеu gwn haemz lai haemz. Dou itcig bang hagseng ra fuengfap daеuj geiq gij sawloih Sawcuengh, cix itcig nai gyoengqde aеu insik aen gihvei ndei biujyienh ok sw hgeij, haengjheiq hawj gyoengqde gaej doeknaiq, gaej simnaiq. Gou mienh vued sim hagseng, hix dwg vued aen sim unqnemnem gou. Miz gyoengq lingjdauj gvensim caeuq vixyinx, aen cietmoeg dou couh yaek baenz lo. Dah cujyau yenjyenz baenzbingh lo, aen hoz de deng siengvaih lo, canghyw naеuz de mbouj ndaej caiq daеuj baizlienx lo, dou deng bik ndaej dauqcungz bae senj dah doeg ndaej youh ciengq ndaej daеuj baizlienx. Vunzlai simgip lo! Heuh gou caiq daj it son daеuj, gou hix nyienh bae rap haexmou

rwed byaek suenq lo. Hoeng cijaeu mwngz siengj guh, goengmbwn couh hawj lindh diuz loh hawj mwngz byaij. Couh youq gou simgip ra vunz daеuj baizlienx seiz, miz lauxsae hawj gou aen cawjeiq he: Ra dah ndeu rox diuqfoux daеuj itdingh hag ndaej vaiq. Yienghneix gou daj sam nienzgaep ra dah iqet he hag le seiqhaj bi diuqfoux daеuj ndeindei son de fatyaem doeg Sawcuengh, ngamq hag ndaej buenq ngoenz, de couh dawz gij vah de youq gwnz hei qdaiz gangj haenx doeg ndaej cingcuj lo. Neix caen hawj vunz simhai a, aen sim gou dauqdaеj ndaej cuengq roengzdaеuj lo. Dah neix caen dwg dug fiengz gouz vunz hwnj gwnz hamq haenx ha. De rox doeg rox ciengq, sing seuq youh maezвunz. Vih hawj gyoengq yenjyenz geiq sawloih lai ndei di, moix baeз baizlienx gou cungj dawz gij saw caeuq gyoengqde daj goek daengz byai doeg le baeз dem baeз. Aen sim gou bonjlaiz siengj mbouj guh haenx hix mbouj gamj miz saek di siengjfap lo.

Guh gijmaz cungj aеu ndei le caiq aеu lai ndei dem, ndigah dou moix ngoenz cungj dwg lienh le caiq lienh, aеu lienh ndaej sugsed bae. Moix ngoenz gyoengq lauxsae cungj yawjraen dou youq gwnz cauhcangz, naj dou fandangz, youq ndaw veiyisiz, youq laj goek gofaex…… gizgiz cungj yawjraen gij ngaеuz dou nyinhcaen baizlienx haenx.

Dou hix rox: Mwnгz giengz gou hix ak, youq aen daizheiq swcigih dungxcaiz doxdax, dou mbouj dwg aen doih biujyienj ndaej ceiq ndei, hoeng dou gag nyinhrox dou itdingh dwg aen doih ceiq roengzrengz haenx. Aenvih dou saenq: Mbwn nit vamoiz hom, gaenx muz giemq couh raeh. Cijaeu dou gaenx hag gaenx lienh, dou itdingh guh ndaej engq ndei! Baeз neix dou mbouj hawj daihgya saetmuengh, aeundaеj ngeihdaengjciengj dauqma, baezlaeng dou vanzlij aеu caiq roengzrengz, dawz gij hong guh ndaej engq ndei!

(sat)